

14. december .2017

**Inuiaqatigiinni torersuunerup inuillu ataasiakkaat
illersorneqarnissaannik inuiaqatigiillu isumannaatsuunissaannik il.il.
politiit isumannaarinninnerat, kiisalu politiit
pineqaatissiigallarsinnaanerannik Kommune Qeqertalimmut
ileqqoreqqusaq**

Kapitali 1

Politiinut ileqqoreqqusap atuuffissaa il.il.

§ 1. Ileqqoreqqusaq una Kommune Qeqertalimmut atuuppoq.

§ 2. Allatut allassimasoqartinnagu, ileqqoreqqusaq una innuttaasut aqqusineri imaluunniit sumiiffinni allani nalinginnaasumik angallaffigineqarsunnaasunut atuuppoq. Taamaalliluni nalunaarut assersuutigalugu innuttaasut sumiiffinni angallaffianni, perusuersartarfinni, angallassissutini, tamatumunnga ilanngullugit taxini, nuannaarniartarfinni kiisalu pisinlarfinni, pisinlarfeqarfinni pisortallu allaffeqarfinni atuuppoq.

Imm. 2. Nalunaarummi matumani aqqusineq paasineqassaaq pisortat imaluunniit inuit namminneq pigisaat aqqusemit, cykkilertunut aqqutit, pisuinnarnut aqqusemit, illoqannginersat, ikaartarfiit, sulluliat, aqqutissiat, aqqusinnguuit assigisaalluunniit, angallassissutinit assigiinngitsunit nalinginnaasumik angallavigineqartut.

Imm. 3. Ileqqoreqqusami matumani sanaartorfinnik paasineqassaaq sumiiffiit ukua:

- a. Kangaatsiaq illoqarfik aamma nunarfiit Attu, Niaqornaarsuk, iginniarfik aamma Ikerasaarsuk.
- b. Aasiaat illoqarfik aamma nunaqarfiit Akunnaaq aamma Kitsissuarsuit.
- c. Qasigiannugit illoqarfik aamma nunaqarfik Ikamiut.
- d. Qeqertarsuaq illoqarfik, nunaqarfik Kangerluk aamma matuneqarnikoq nunaqarfik Qullissat.

Kapitali 2

Inuiaqatigiinni torersuunerup il.il. Isumannaarneqarnera.

§ 3. Parrunnerit, nillianerit, suaartaannerit allatulluunniit nipiliorluni, persuttaalluni ajuallatsitsiluni assigisaanilluunniit iliuuseqarnerit, inuiaqatigiinni torersuunermik ajoqusersuinerit, inerteqqutaapput.

Imm. 2. Kanngunartuliomeq allatulluunniit mamianartuliorneq, allanut ajortuliornerit inuiaqatigiinnulluunniit mamiatsatsitsinerit inerteqqutaapput.

Imm. 3. Allanut ajoqutaasinnaasunik aalakoornartutorsimalluni, allatulluunniit aalakoornlutitorsimalluni aangajaarnartutorsimalluniluunniit angallanneq inerteqqutaavoq.

Imm. 4. Imm. 1 aamma 2-mi taaneqartut illuutsit, nalinginnaasumik iserfigeqqusaanngitsuni illuuserineqarpata, Inuiaqatigiillu torersuunerannut akomutaappata, unitsinneqarnissaat politiit naalakkiutigisinnaavaat.

§ 4. Katersuunnerit, inuiaqatigiit torersuunerannut akomusersuutaasinnaasut, inerteqqutaapput.

Imm. 2. Inuiaqatigiit taamatut akomusersoqamerat pinaveersaartinniarlugu piumasaqaatigineqartunik inerteqqutinik politiit kinaluunniit nalunaarfigisinnaavaat.

§ 5. Aqqusinerni ingerlaaqatigiinnerit katersuunnerillu nammineerluni politiitun saaffiginninnikkut nalunaarutigineqassapput kingusinnerpaamik ingerlanneqannginneranni akunnerit 24-t sioqqullugit. Nalunaarutiginninneq aqqissuisumit taassumunngaluunniit sinniisumit nalunaarutigineqassaaq imarissavaalu katersuunnerup ingerlaaqatigiinnerulluunniit siunertaa, piffissaq, naapiffissaq aamma angallavissaq kiisalu peqataasussat amerlassusissaat.

Imm. 2. Imm. 1-mi aalajangersagaq ilisiartortunut atuutinngilaq.

§ 6. Sumiiffimmi aalajangersimasumi uninngaqqunagu imaluunniit aqqutissani naatsuni uteqqattaqqunagu kinaluunniit politiit naalakkersinnaavaat, pineqartup uninnganera uteqattaarneralunniit eqqaani najugallannut eqqaqquttunulluunniit akomutaappat imaluunniit pineqartoq tamaani pillaataasinnaasumik illuuseqartutut peqquteqartumik pasitsaanneqarpat.

Imm. 2. § 3-mi aalajangersakkamik inuk arlaleriarluni unioqqutitsisimappat, kingullemik unioqqutitsiffiusumi piffimmi ungasissutsimi aalajangersimasumi politiit taaneqartumi pineqartoq uteqattaqqunagu uninngaqqunaguluunniit politiit inerteqqummik nalunaarfigisinnaavaat. Inerteqquteqartitsinissamut piumasaqaataavoq, peqquteqartumik isumaqartoqarpat, inerteqqummi ilaatinneqartuni sumiiffimmi pineqartoq kukkuluttoqqissasoq.

Imm. 3. Imm. 2-mi aalajangersagaq, aqqusinernut tunngatillugu, taamatutaaq atuutissaaq, imm. 1-imik akulikitsumik arlaleriarluni atuutsitsiffiusumut eqqarsaatigalugu.

Imm. 4. Imm. 2 aamma imm. 3 malillugit inerteqquteqarneq allaganngorlugu nalunaarutigineqassaaq tunngavilersugaassallunilu. Inerteqqummut piffissaliussisoqassaaq, ukiunilli marlunnik sivilisinerusinnaanngilaq.

§ 7. Susasaqanngitsut tummeqani, isaarissani illunulluunniit majuartarfanni, naqqup ataani qalianiluunniit, illuni inoqanngitsuni inissianiluunniit, quini, sanaartorfanni, angallassissutini assigisaanniluunniit uninngaqqusaanngillat.

Imm. 2. Peqquteqavinnani matukku igalaakkulluunniit kasuttorneq, matup siarngatigut siarneq assigisaanniluunniit illuuseqarnerit, najugaqartunik akomusersuutaasinnaasut inerteqqutaapput.

§ 8. Højtalerinik, nipilersuutininik, nipilersornermi atortunik atuineq politiit inerteqqutigilisinnaavaat, atuineq eqqaani najugalinnut eqqaqquttunulluunniit annertuumik akornutaasutut isumaqarfiginarpata.

Imm. 2. Aqqusinerni tuniniakkat suaartaatigineqarnerat nal. 7 sioma aamma nal. 18 kingorna inerteqqutaavoq, aamma napparsimmavinnut, atuarfinnut assigisaannulluunniit akornutaassanngillat.

§ 9. Allagartarsuarnik saqqummersitanilluunniit nivinngaasuineq agguaassinerluunniit, allagaatinik assinilluunniit tuniniaaneq agguaassinerluunniit inerteqqutaavoq, tamanna inuiaqatiglit torersuunerannut akornutaappat imaluunniit allagartarsuit, allagaatit, assilluunniit mamiatsannartuuppata.

Imm. 2. Erseqqissumik tamakkuninnga inniminnisimasunit najugaqartuniit, allanut allagaatinik assinillu, mamiatsannartunik imaqartunik tunniussineq inerteqqutaavoq, imarisal allanut akornutaappata imaluunniit inuiaqatigiinnut mamiatsannarpata.

Imm. 3. Eqqaqquttunut inuussutissarsiornermi soqutigisaniq ussassaarutininik tunniussuineq inerteqqutaavoq.

§ 10. Meeraaqqat angajoqqaanit allanilluunniit nakkutigisassaasut, aqqusinerni uninngatillugit pisariaqartumik nakkutigineqassapput.

§ 11. Aqqusinerni angalatiluni angaillassissutinut sikkilinulluunniit motorilinnut qimmit pitussimaneqassanngillat.

§ 12. Aallaasinik, pisissininik, ilusaatinik assigisaanilluunniit atuineq, ikumatitamik ikitsineq, ujaqqanik, apummik, imermik allanilluunniit milloomeq inerteqqutaavoq, tamakku eqqaqquttunut naviartorsioritsippata akornutaappataluunniit.

Imm. 2. Sanaartorfiusuni, 500 miiterinik ungasissusillip iluani, qoorortuunik, timmiarsiutinik, luftbæssininik aallaasinilluunniit allanik aallaariarneq inerteqqutaavoq.

Imm. 3. Sanaartorfiusut avataanni aqqusinerni, sanaartukkani, eqqaavinni il.il. taakkununga imm. 1-imi taaneqartuni aallaasinik aallaariarneq aammattaaq inerteqqutaavoq.

Imm. 4. Imm. 2 aamma 3-mi taaneqartuni nunatanut aallaassinik eqqussinnginnermi, aallaasit imaarneqassapput. Nunatat taaneqartut iluanni aallaassinik imalinnik nassataqarluni angalaneq inerteqqutaavoq.

Imm. 5. Sanaartorfiusut iluanni, imm. 2-mi aalajangersagaq apeqqutaatinnagu, politiit akuerisaanni immikkut ittuni nunatani unammilluni oqattaasartoqarsinnaavoq.

§ 13. Sullaqartoqarpat, eqqaqquttunut navianartorsioritsisinnaasunik akornutaasunilluunniit, assersuutigalugu illumik iluarsaassinermut aserfallatsaalluinermuilluunniit atatillugu, eqqaqquttunut kalerrisaarutitut illersuutaasinnaasunik ungalulersuisoqassaaq. likkat pequtilluunniit qalipaqqammersut

panemissaasa tungaanut, eqqaquttut, ikkat pequtilluunniit qalippammersimanerinek erseqqissumik mianersoqquneqassapput.

Stk. 2. Illumi qalliat qalliutaat, aputit, kusukat assigisaalluunniit nakkakaanissaannut aarleriartoqarpat, piginnittup eqqaquttut illersuutaasinnaasunik ungalulersuinikkut ingerlaannaq mianersoqqussavai piaartumillu isumagissallugu pisariaqartumik iluarsaassisoqamissaa imaluunniit apummik kusukkanilluunniit il.ii. piiaasoqamissaa.

Imm. 3. Eqqaquttunut navianartorsiorfitsinermik akornutaanermilluunniit kinguneqartumik illuutini pequtit uppissinnaanngorlugit nakkarsinnaanngorlugilluunniit inissineqassanngillat atorneqaratilluunniit. Igalaat illersuutaasinnaasumik qajanaarsorneqassapput.

Imm. 4. Eqqaquttunut navianartorsiorfitsinnaasut politiit aammattaaq inerteqqutigittissinnaavaat.

§ 14. Kommunalbestyrelsi isumaqatiglinniarfigereerlugu politiit alagartaliinikkut assigisaaniluunniit erseqqissumik tatsini nalunnguarnaq, tamatumunnga ilanngullugu, sumiiffinni erseqqinnerusumik taaneqartuni nalunnguarnepgalanerullu inerteqqutaanerat pillugit aalajangersagaliorsinnaapput.

Imm. 2. Imm. 1-imi taaneqartutut politiit aammattaaq pujortuleeqqat, vandscooterit assigisaallu atorlugit, erseqqinnerusumik taaneqartumi sinerissamiit ungasissuseqartumi angalaneq pillugu aalajangersaasinnaapput, tamanna angallannemut allanut akornutinik imaluunniit pisariaqanngitsumik nipilliornerit, allanut akornutaasinnaasut pinaveersaartinniarlugit, piumasaqaatigineqartutut isumaqarfiginarpat.

Imm. 3. Imm. 1-imi taaneqartutut politiit najukkani tatsini aalisarneq angalanerlu pillugit aammattaaq aalajangersagaliorsinnaapput.

§ 15. Politiit oqartussaassorluunniit, tamatumunnga politiit piginnaatitaat, allagarsiinikkut pisortatigoortumilluunniit nalunaarusiorinikkut sinerissap avataani sikumi, umiarsualivinni, tatsini, kuunni imeqarfinnilu allani angallanneq pillugu inerteqquteqartitsisinnaapput.

Imm. 2. Sinerissap avataani sikumi putusisoqarpat, siku piameqartoq putup eqqaanut inissineqassaq. Politiit piumasaqaatigissinnaavaat putut tamarmik illersuutaasinnaasumik ungalusimaneqassasut nalunaaqutsersorneqartutilluunniit.

Imm. 3. Imm. 1-imi taaneqartuni allani politiit akuersissuteqaqqaartinnagit putulortoqassanngilaq. Putut illersuutaasinnaasunik ungaluneqassapput nalunaaqutsersorneqartutillu.

§ 16. Pisortat sanaartugaanni pulaartut torersuunissamik aalajangersakkat, allagarsiinikkut nalunaarutigineqartut, eqqortissavaat torersuunissallu eqqortinneqarnissaanut ilitsersuutit, nakkutilliusunit tunniunneqartut, malissallugit. Taamatuttaaq atuupput torersuunissamik aalajangersakkat, allagarsiinikkut nalunaarutigineqartut, kommunalbestyrelsimit oqaaseqarfigineqareerlutik politimesterimit akuerineqartut, nunaminertat ersarinnerusumik killilersukkat namminermik pisortanilluunniit pigineqartut, aqquserninerne allani luunniit nalinginnaasumik tikinneqarsinnaasut, tak. § 12.

Kapitali 3

Pineqaatissigallamerit

§ 17. Politiit naalakkiteqarnikkut inerteqquteqartitsinikkulluunniit pineqaatissigallarsinnaapput, inuiaqatiglinni torersuunerup inuit ataasiakkaat imaluunniit pisortat isumannaatsuunissaannut navianartorsiomerit pinaveersaatinneqarnissaat pisariaqaraangat.

Imm. 2. Imm. 1 malillugu naalakkiteqarneq inerteqquteqartitsinerluunniit poltimesterimit imaluunniit taassumap tamatumunnga piginnaatitaanit aalajangerneqassaaq. Aalajangerneq pisortatigoortumik nalunaaruteqarnikkut nalunaarutigineqassaaq tunngavilersugaassallunilu aamma aalajangiussinermi atuuttoq sumilffik piffissarlu taallugit.

Imm. 3. Piffissaq, aalajangiussinermi atuutinneqartoq, sapinngisamik sivikitsuussaaq qaammatilu pingasut sinnissanagit. Piffissaq sivitsorneqarsinnaavoq, taamaattorli sivisunerpaamik qaammatit pingasukkaarlugit. Sivitsuineq nutaamik aalajangiussinikkut ingerlanneqassaaq, tak. Imm. 2.

Kapitali 4

Pineqaatissilnerit

§ 18. §§ 3-13 aamma § 15, imm. 2-mik unioqqutitsineq, § 14 aamma § 15, imm. 1-mik aamma § 16 naapertorlugit malittarisassanik aalajangersakkanillu unioqqutitsineq imaluunniit § 3, imm. 4, § 4, imm. 2, § 6, imm. 1 aamma 2, § 8, imm. 1, § 13, imm. 4 aamma § 17 naapertorlugit naalakkiiutinik inerteqqutinilluunniit unioqqutitsineq eqqortitsinngitsoornerlu pinerluttulerinermik inatsimmi aalajangersakkat naapertorlugit akiliisitsinermik arsaarinnissuteqarmermillu pineqaatissiiissoqassaaq.

Imm. 2. Aktieselskabinit, andeisselskabinit assigisaannilluunniit unioqqutitsineq, ingerlatseqatigiiffiit akiliisussanngortinneqarsinnaapput arsaarinnittoqarsinnaallunilu.

Kapitali 5

Atuutilerfissaa

§ 19. Politiinut maleruagassaq atuutilissaaq aalajangersarneqarneranit sapaatip akunnera ataaseq qaangiuppat.

Imm. 2. Tamatuma peqatigisaanik Qaasuitsup Kommuniani politiinut ileqqoreqqusaq 8. december 2009-imeersoq atorunnaarsinneqarpoq.

Kommune Qeqertalik, 14. december 2017



Ane Hansen

Ikaarsaariarnemi Ataatsimittallap Siulittaasua / Borgmesteri

Qulaani pineqartoq ileqqoreqqusaq, inuiaqatigiinni torersuunerup inuillu ataasiakkaat ilersomeqarnissaannik inuiaqatigiiliu isumannaatsuunissaannik il.il. politit isumannaarinninnerat kiisalu politit pineqaatissigallarsinnaanerannik Kommune Qeqertalimmut ileqqoreqqusaq matumuuna aalajangersarneqarpoq.

Nuuk, uiloq 15/12 . 2017



Mikaela Engeli

Rigsombudsmandi